



Kvinnherad kommune  
Rosendalsvegen 10  
5470 ROSENDAL

Saksbehandlar, innvalstelefon  
Anne Vibeke Barkved, 5764 3117

## Tildelingsbrev - stimuleringsmidlar til utviklingsprosjektet "Rettleiing i Vestland"

Vi viser til søknad frå dykk av 22.05.2026.

Tilskotsordninga er ein del av kompetansestrategien for det kommunale barnevernet, og skal medverke til å stimulere til teneste- og tiltaksutvikling i kommunane for å styrke oppfølginga av utsette barn og familiane deira. I 2026 har Statsforvaltaren i Vestland kr 5 012 966,- i tilskotsmidlar til disposisjon til å støtte utviklingsprosjekt som er forankra i kommunale læringsnettverk.

Kvinnherad som vertskommune søker i samarbeid med kommunane Sunnfjord, Årdal, Aurland, Lærdal, Vik, Sogndal, Luster og Høyanger om kr. 680 000,- til vidareføring av prosjektet «*Rettleiing i Vestland*». Med utgangspunkt i barnevernslova om krav til nødvendig opplæring og rettleiing av tilsette i barnevernstenesta, skal kommunane gjennom dette prosjektet auke kompetansen om rettleiing i tenestene. Målet er at alle tenestene skal få auka kompetanse på rettleiing internt, og på rettleiing mellom leiar og medarbeidarar. De har avtale om å samarbeide med RKBV Vest om dette utviklingsarbeidet.

De starta opp prosjektet i 2023 og fekk tildelt kr 900 000,- i stimuleringsmidlar, jamfør brev av 23.06.2023. De søkte om ytterlegare midlar i 2024 og fekk tildelt kr 580 000,- jamfør brev av 19.06.2024. I 2025 fekk de tildelt 800 000,- i midlar, jamfør brev av 21.08.2025.

Se søker no om midlar til frikjøp av prosjektleiar i 20 % stilling og støtte til å arrangere to samlingar for om lag 25 prosjektleiarar over 2 x 2 dagar. I tillegg søker de om å gjennomføre ei regional samling for rettleiarar. Statsforvaltaren si vurdering er at de har grunngeve søknaden godt, og at dette er eit prosjekt som kan ha overføringsverdi til andre kommunar. Vi vurderer at prosjektet stettar dei vilkåra som Barne,- ungdoms- og familiedirektoratet har sett for tilskotsmidlane.

**Statsforvaltaren i Vestland løyver med dette kroner 480 000,-** til utviklingsprosjektet «*Rettleiing i Vestland*». Vi vil betale ut pengane etter vi har motteke vedlagte skjema for stadfesting på at de aksepterer dei kriteria for løyvinga som kjem fram i dette brevet. Stadfestinga (vedlegg 1) må de sende til Statsforvaltaren **innan 24.08.2026** merka med referansenummer **2026/9647**.



Vi har løyvd eit mindre beløp enn det de har søkt om. Grunngevinga for dette er at vi har mottatt søknader for eit større beløp enn vi har til rådighet. I tillegg har vi i dialog med dykk avklart at vi reduserer tilskot til gjennomføring av regional samling. Når det gjeld gjennomføring av regional samling, må det ligge klart ein tydlegare plan for kva som skal være føremålet med desse samlingane. Løyvinga skal de nytte til frikjøp av prosjektleiar og til gjennomføring av samlingar for prosjektkommunane.

De kan ikkje nytte dei tildelte midlane til andre føremål. Dersom de ønskjer å omdisponere tilskotet innafor same føremål, må de avklare dette skriftleg med Statsforvaltaren på førehand.

Tilskotet må nyttast innan utgangen av 2027. Dersom løyvingane ikkje kan nyttast etter føresetnadane, skal de betale pengane attende til Statsforvaltaren. Statsforvaltaren, barne,- ungdoms- og familiedirektoratet og Riksrevisjonen kan i samsar med reglane i det statlege løyvingsreglementet kontrollere at løyvinga vert nytta etter føresetnadane.

Rekneskap og rapport om prosjektet og bruken av pengane skal de sende til Statsforvaltaren innan 01.02.2028. Rekneskapen må de setje opp på ein slik måte at Statsforvaltaren kan kontrollere at løyvinga er nytta i tråd med føresetnadane.

Svar på dette brevet skal de sende til vårt postmottak: [sfvpost@statsforvalteren.no](mailto:sfvpost@statsforvalteren.no)

Praktiske spørsmål knytt til prosjektet kan de sende til kontaktperson hjå Statsforvaltaren: Bente Cecilie Foss på e-post: [bente.foss@statsforvalteren.no](mailto:bente.foss@statsforvalteren.no)

Med helsing

Øystein Breirem Jacobsen  
seksjonsleiar

Anne Vibeke Barkved  
seniorrådgjevar

*Dokumentet er elektronisk godkjent*

Kopi til:

|                   |                        |      |              |
|-------------------|------------------------|------|--------------|
| Sunnfjord kommune | Postboks 338           | 6802 | FØRDE        |
| Årdal kommune     | Statsråd Evensensveg 4 | 6885 | ÅRDALSTANGEN |
| Aurland kommune   | Vangen 1               | 5745 | AURLAND      |
| Lærdal kommune    | Øyraplussen 7          | 6887 | LÆRDAL       |
| Sogndal kommune   | Postboks 153           | 6851 | SOGNDAL      |
| Vik kommune       | Postboks 134           | 6891 | VIK I SOGN   |
| Høyanger kommune  | Postboks 159           | 6991 | HØYANGER     |
| Luster kommune    | Postboks 77            | 6866 | GAUPNE       |